

清儒學案

世章



宋儒學案

卷一

周子

程子

清儒學案卷一百八十八

天津徐世昌

南皮學案下

南皮弟子

繆先生荃孫

繆荃孫字炎之一字筱珊晚號藝風江陰人未冠肄業麗正書院從丁儉卿先生受經學小學後侍父入川寄籍華陽應試獲舉改歸原籍於時文襄公視蜀學宏獎後進執贄稱弟子光緒丙子成進士改翰林院庶吉士散館授編修充國史館纂修總纂輯儒林文苑循吏孝友隱逸五傳以續阮文達之所未竟以儒林去取與當事者齟齬會丁繼母憂歸主講南菁書院與黃元同先生分任經學詞章又厯主山東灤源湖北經心江寧鍾

山常州龍城諸書院講席及鍾山書院改爲高等學堂充監督
久之疆吏奏舉績學碩儒詔加四品卿銜專辦江南圖書館事
宣統元年學部奏充京師圖書館監督辛亥避居上海清史館
開兩度應聘至京商榷凡例且以五傳原稟引爲己任而以循
吏一傳屬之他手又任撰康熙朝列傳脫稟僅十之六七己未
卒年七十六先生恪守乾嘉諸老學派治經以漢學爲歸所藏
清代經說王葵園先生續刻經解多所取資而乙部致力最深
拾遺訂誤悉循竹汀西莊之軌筆記當代掌故積至數十冊文
襄重修順天府志時招之相助及出任晉撫則繼爲總纂七年
書成時推鉅製重修湖北通志續修江陰縣志亦先生所總持
也性嗜金石所聚搨本萬數千通而四川畿輔江南久居之地
訪搨略徧又勤於目錄版刻祕笈孤本博識精校矻矻窮年所

著有孔北海韓致堯魏文靖李忠毅年譜各一卷江蘇金石志二十四卷待訪目二卷藝風堂金石目十八卷讀書記四卷藏書記八卷續藏書記八卷文集八卷續集八卷辛壬稟三卷癸甲稟三卷乙丁稟五卷所輯有續碑傳集八十六卷遼文存六卷常州詞錄三十一卷未刊稟有五代史方鎮表十卷碑傳集補遺十四卷金石分地錄二十四卷再續藏書記不分卷所編刻者有雲自在龕叢書對雨樓叢書藕香零拾煙畫東堂小品諸書其爲朋好所編刻者尤夥

參夏孫桐撰行狀

文集

爾雅有衍脫文攷

釋詁

犯奢果毅

毅字衍文案注以陵犯釋犯誇奢釋奢果

毅釋果此以注文而誤衍

阮阮 下阮字衍文鄭樵云阮阮重文經典所無疑衍
一字案廣韻十二庚阮字下引爾雅曰虛也郭璞云
阮塹也客庚切非重文

鞠訕 訕字衍文阮云鞠訕盈訕訕訟不訕盈此郭氏
因引詩降此鞠訕正文遂衍訕字

釋天

太歲在甲曰闕逢 太歲在寅曰攝提格 兩太字衍

文錢氏養新錄云古法太陰與太歲不同淮南天文
訓太陰在寅歲名攝提格云云蓋闕逢以下十名攝
提格云云以下十名皆由太陰得名不關太歲史記
天官書索隱引爾雅云歲在甲曰焉逢寅曰攝提格
無太字當是古本東漢術家不求太陰誤認太陰爲
太歲故漢書天文志有太歲在寅曰攝提格之文太

史公書但云攝提格歲陰左行在寅初不云太歲也然此兩太字已是漢人所增矣

釋地

郊外謂之牧 似衍文案魯頌毛傳邑外謂郊郊外謂野野外謂林林外謂坳說文亦云邑外謂之郊郊外謂之野野外謂之林林外謂之門俱據爾雅無郊外謂牧之文小雅出車于彼牧矣毛云出車就馬於牧地也周語國有郊牧韋昭注國外曰郊牧牧地也而不云牧在郊外此五字疑後人所加

釋草

藹車芎輿

車字衍文案郝氏義疏說文藹芎輿也芎

芎輿也並無車字臧氏經義雜記云車卽輿字之駁文也據釋文知古本爾雅作藹芎輿郭注特因離騷謂之揭車故援以證之後人輒仿注義增經字耳

蘄從水生 生字衍文案阮氏云此蘄從水與下薇垂

水文一律此注生於水中與下注生於水邊文亦一

律因經無生字故注云生於水中蓋因注誤衍覺注

爲贅矣

以上衍文八條

釋天

赤奮若下脫歲陰二字

案史記厯書焉逢攝提格元

年索隱曰爾雅釋天云歲陽十干是也歲陰十二支是

也歲陽在甲云焉逢謂歲干也歲陰在寅曰攝提格

謂歲支也此唐司馬貞時歲陰二字尙存自開成石

經始脫去宜補

釋邱

水出其左營邱脫前而二字

案詩正義水所營繞故

曰營邱郭注今齊之營邱淄水過其南及東是不惟

郭氏所注之本正作水出其前而左且營邱之形勢

宛然如在目前不可易也乃邵氏正義反據孫炎注以駁郭氏謂經文並無而前字郭氏此注殆欲使人易曉耳其說殊爲武斷

釋魚

鼃鰾蟾諸上脫先字下脫鰾字

釋文鼃音起據反起

據之音蓋以鼃從去也羅願爾雅翼曰鼃鰾詹諸洪焱祖音釋曰鼃爾雅音去讀如六似是爾雅鼃本作鼃說文亦云先鼃詹諸從黽從先先七宿切讀如促是鼃從先不從去則陸氏起據之音非矣釋文鰾音秋案莊子曰鰾我亦勝我鰾本又作鰾荀子曰大燕鰾吾後注鰾蹴也釋名曰蹙道也遁迫也然則鰾鰾遁三字從酋得聲並讀如促鰾字從酋其音亦宜然說文云鼃或從酋作鰾是鰾卽鼃字音促不音秋鼃

齔卽一字也然爾雅何以作重文攷說文敘述之次
曰先鼃詹諸也齔黿詹諸也若據說文以訂正爾雅
則爾雅當曰去鼃齔黿蟾諸也今但存鼃齔二字重
複爲文莫可解說疑傳寫者上脫先字下脫齔字
鼃當作黿

釋畜

雞三尺爲鷦下脫六畜二字 案春秋桓六年正義云

爾雅釋畜於馬牛羊豕狗雞之下題曰六畜又昭二
十五年正義曰釋畜之末別釋馬牛羊豕犬雞六者
之名其下題曰六畜然則唐初本爾雅有此題今本

脫

以上脫
文四條

釋言

遇偶也 此文誤倒案文選讓宣城郡公表偶識量已

注引爾雅曰偶遇也郭注偶爾值也與山巨源絕交

書偶與足下相知注引爾雅曰偶遇也一切經音義
卷二偶成下引字林偶合也引爾雅偶遇也郭氏曰
偶爾相值者矣卷九偶得下引爾雅偶遇也郭氏曰
偶爾相值也據此知唐以前爾雅作偶遇也郭注作
偶爾相值值卽釋經之遇今本經誤倒注又衍遇字
釋宮 閒謂之門 此文誤倒案郊特牲祊之於東方正義引

釋宮云門謂之祊孫炎云謂廟門外是孫叔然注本
作門謂之閒也郊特牲索祭祝於祊注廟門曰祊正
義曰爾雅釋宮文又禮器爲祊乎外正義曰以釋宮
云廟門謂之祊皆閒字在下可互證鄭孔俱言廟者
以義增加非爾雅本文

以上倒
文二條

釋草蒹至蒹釋木蒹莖著 郭氏釋木注釋草已有此名疑誤

重而王氏經訓述聞則引周禮注杜子春云韎讀如
莠莠著之莠以爲莠有韎音與音莠者師讀不同郝
氏義疏亦引之又同引齊民要術所引之皇覽以爲
木中亦有五味而力駁郭氏重出之說不知杜氏相
傳之師說固在郭氏之前但杜氏自注韎字與爾雅
初不相謀雖曰漢儒之讀若卽後人段借之例不惟
段其聲并段其義然其時尙無反切未可一概論也
他若齊民要術唐本草諸書則皆在郭氏後無庸深
辨矣

釋蟲密肌繼英釋鳥密肌繫英 郭氏釋鳥注釋蟲已有此名
疑誤重錢氏潛研堂集本之僅解釋蟲而釋鳥則從
闕郝氏義疏則引玉篇廣韻之鳥名以解釋鳥之繫

英而釋蟲之疏則本錢氏之說而引申之且謂今釋蟲釋鳥俱有踰天雞而郭氏未嘗以爲誤重其說殊有理但郭氏於釋蟲注亦旣以爲未詳茲更以爲誤重匪惟益闕之義殆亦有所本焉正不妨並存其說也

釋鳥

桑扈竊脂

本篇重此句

以上重文三條

鷓鴣諸雉

此錯簡諸雉二字當在鷺春鉏之下黑爲鷓

白爲鷺也諸雉二字在下文鷓鴣等之上雉有數類

故以諸雉冠之

釋獸

豕子豬一段

此錯簡當在釋畜羊屬之後並脫彘屬

今本獸二字不應在釋獸內

以上錯簡二條

星大逸文附攷

皇大也 尙書洪範建用皇極傳皇大正義曰皇大釋詁文案
今本釋詁皇爲君訓大者卅九字而皇豐二字無之

豐大也 詩周頌豐年傳豐大也正義曰豐大釋詁文今本無
良善也 詩唐風良士瞿瞿箋良善也正義曰良善釋詁文案
今本釋詁云元良首也訓善者十六字而無良字

自用也 尙書立政正義曰釋詁云自用也案今本釋詁云通
遵率循由從自也無用之一訓

由用也 左昭八年傳猶將復由注由用也正義曰由用釋詁
文案今本釋詁由訓自無用之一訓

壽考也 詩魯閟宮頌三壽作朋傳壽考也正義曰壽考釋詁
文案今本釋詁云黃髮覲齒給背耆老壽也而無考字

謚脊也 古玉篇引爾雅曰謚脊也案今本釋詁謚訓靜無脊

之一訓

蓺靜也 古玉篇引爾雅曰蓺靜也案今本釋詁訓靜者十一
字而無蓺字

顯明也 禮記祭法顯考廟注顯明也正義曰顯明釋詁文案
今本釋詁顯訓光又訓代無明之一訓

虔敬也 詩殷武方斲是虔傳敬也正義曰虔敬釋詁文案今
本釋詁云儼恪祇翼謹恭欽寅燠敬也而無虔字

以上
釋詁

忒疑也 詩鴈鳩其儀不忒傳忒疑也正義曰釋言文案今本
釋言爽訓忒無疑之一訓

輯合也 尙書舜典輯五瑞正義曰釋言云輯合也案今本釋
詁輯訓和又合之一訓有九字而無輯字釋言篇二字皆無
之

斯盡也 詩皇矣王赫斯怒箋斯盡也正義曰斯盡釋言文案

今本釋詁訓盡者十三字而無斯字

飪孰也 儀禮士虞禮羹飪注飪孰也疏曰飪孰釋言文今本

無此文

諒薄也 說文兕部諒事有不善言諒也爾雅諒薄也今本無

此文

鋪布也 敷布也 文選西都賦桑麻鋪棻李善注引爾雅曰

鋪布也後漢班固傳作敷章懷注引爾雅曰敷布也又尙書

傳序正義亦引爾雅敷布也今本無此文

幾翼也 尙書傳序正義引爾雅幾翼也案今本釋詁幾訓危

又釋言云庶幾尙也無翼之一訓

濬通也 史記五帝紀索隱引爾雅濬通也案今本釋言濬幽

深也無通之一訓

遂生也 後漢杜篤傳粳稻陶遂章懷注引爾雅曰遂生也今

本無此文

蹤迹也 慧琳音義一引爾雅曰蹤迹也今本無此文說文無

蹤古止從字詩谷風傳委委行可委曲從迹也

摶求也 後漢張衡傳摶天道其焉如注引爾雅摶求也今本

無此文

與許也 論語公冶長吾與汝弗如也皇疏引爾雅與許也今

本無此文

以上釋言

棘戟也 文選吳都賦注過秦論注辨亡論注均引爾雅曰棘

戟也今本無此文

半璧曰璜 後漢書張衡傳注引爾雅半璧曰璜今本無此文